

## SPORAZUM

### o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici

Sporazum o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici, potpisan između:

1. Ministarstva zdravstva Zeničko-dobojskog kantona, ID broj: 4218336060001 (u daljem tekstu: Ministarstvo zdravstva) kojeg zastupa ministrica dr Tanja Radoš Kosić i
2. Grada Zenica, ID broj: 4218342030009, kojeg zastupa gradonačelnik Fuad Kasumović.

#### Član 1.

Ovim Sporazumom strane potpisnice se obavezuju da će zajednički učestvovati u finansiranju Projekta izgradnje objekta Službe hitne medicinske pomoći sa pratećim sadržajima u Zenici (u daljem tekstu: Projekat) u cilju unapređenja pružanja zdravstvenih usluga.

#### Član 2.

Strane potpisnice Sporazuma saglasno konstatuju sljedeće:

- a) da je izgradnja objekta Službe hitne medicinske pomoći sa pratećim sadržajima u skladu sa usvojenim Regulacionim planom Centar II, planirana u sklopu građevinskog bloka nepravilne tlocrtne osnove, koji se prostire na parcelama označenim kao k.č.n.p. br. 985/1, K.O. Zenica I, k.č.n.p. br. 986/2, K.O. Zenica I, k.č.n.p.br. 962/1, K.O. Zenica I na gradskom građevinskom zemljištu ukupne površine 1799,00 m<sup>2</sup>,
- b) da je od strane JP za prostorno planiranje i uređenje grada „Zenica“ d.o.o. Zenica urađen glavni projekat broj 02-1-3309/22 iz jula 2022. godine, za izgradnju objekta namjene „Hitna medicinska pomoć, laboratorijska dijagnostika i zdravstvena zaštita kod specifičnih i nespecifičnih plućnih oboljenja“ sa pratećim sadržajima, unutar definisanog građevinskog bloka, a na osnovu Rješenja o lokacijskoj informaciji broj 03-19-8789/22 od 17.06.2022. godine, izdate od Službe za urbanizam Grada Zenica, finansiran sredstvima Grada Zenica,
- c) da je predviđena izgradnja objekta spratnosti Po+P+1, nepravilne tlocrtne osnove sa vanjskim gabaritima 41,60m x 36,48m, sa garažom u podrumu objekta sa 18 parking mjesta za osobna vozila i 8 parking mjesta za vozila hitne medicinske pomoći, Službom hitne medicinske pomoći i Službom za laboratorijsku dijagnostiku u prizemlju objekta, te Službom za zdravstvenu zaštitu kod specifičnih i nespecifičnih plućnih oboljenja na prvom spratu objekta, ukupne neto korisne površine 3264,8 m<sup>2</sup>, te ukupne bruto građevinske površine 3671,5 m<sup>2</sup>,
- d) da je Grad Zenica iznos obračunate a nenaplaćene naknade za uređenje gradskog građevinskog zemljišta od 127.816,32 KM i naknade za pogodnosti, rente u iznosu od 191.724,48 KM utvrdio Zaključkom broj: 02-19-12935/23 od 03.10.2022.godine kao doprinos Grada Zenica u izgradnji objekta,
- e) da će Grad Zenica obezbjediti izmještanje postojeće i izgradnju nove komunalne infrastrukture (instalacije daljinskog grijanja, vodovoda i kanalizacije) sa lokacije na kojoj je predviđena izgradnja objekta, te da će finansirati izgradnju pristupa objektu, uređenje pristupnih i zelenih površina oko objekta i potpunu rekonstrukciju parkinga ispred objekta, kao doprinos Grada Zenica realizaciji Projekta,
- f) da je planirano vrijeme za izgradnju objekta Službe hitne medicinske pomoći sa pratećim sadržajima 24 mjeseca nakon potpisa ugovora o izvođenju radova.

#### Član 3.

Procijenjena vrijednost građevinskih radova za izgradnju objekta Službe hitne medicinske pomoći (bez uključene opreme i namještaja) iznosi 8.000.000,00 KM sa PDV-om, od čega će

Grad Zenica obezbijediti iznos od 4.500.000,00 KM, a Ministarstvo zdravstva iznos od 3.500.000,00 KM.

#### **Član 4.**

Grad Zenica je nosilac aktivnosti na pripremi tenderske dokumentacije, projektnog zadatka i provođenja postupka javne nabavke u skladu sa Zakonom o javnim nabavkama („Sl. glasnik BiH“, broj: 39/14 i 59/22) i odgovoran je za zakonitost provođenja postupka javne nabavke.

#### **Član 5.**

Grad Zenica je obavezan Ministarstvu zdravstva dostaviti Ugovor o izvođenju radova koji će zaključiti sa izabranim ponuđačem u roku od 10 dana, od dana potpisivanja navedenog ugovora.

#### **Član 6.**

Obavezuje se Grad Zenica da će obezbijediti sredstava koja su veća od iznosa utvrđenog članom 3. ovog Sporazuma.

Ministarstvo zdravstva je obavezno učestvovati samo u visini iznosa utvrđenog članom 3. ovog Sporazuma.

#### **Član 7.**

U Budžetu Zeničko-dobojskog kantona za 2023. godinu, a u skladu sa Zaključkom Vlade Kantona broj: 02-11-8298/23 od 19.05.2023. godine kojim su prihvaćene izmjene Plana investiranja dodijeljenih sredstava potpore iz Budžeta Federacije BiH za kapitalne investicije, planirana su sredstva u iznosu 1.500.000,00 KM u okviru budžetskog korisnika Ministarstvo zdravstva (budžetska organizacija 21010001), ekonomski kod 61510 „Kapitalni transferi drugim nivoima vlasti-za zdravstvo“ za realizacije Projekta.

#### **Član 8.**

Obavezuju se Ministarstvo zdravstva i Ministarstvo finansija da u Budžetu Zeničko-dobojskog kantona za 2024. godinu, u okviru budžetskog korisnika Ministarstvo zdravstva (budžetska organizacija 21010001), ekonomski kod 61510 „Kapitalni transferi drugim nivoima vlasti-za zdravstvo“ planiraju sredstva u iznosu 2.000.000,00 KM za realizaciju Projekta.

#### **Član 9.**

Grad Zenica će za finansiranje Projekta obezbijediti sredstva u Budžetu Grada u ukupnom iznosu 4.500.000,00 KM, prema dinamici izvođenja radova do okončanja realizacije Projekta, a po potrebi i dodatna sredstva za kojim se ukaže potreba, a koja nisu definisana ovim Sporazumom.

#### **Član 10.**

Nakon potpisivanja ovog Sporazuma, Vlada Kantona će u skladu sa tačkom 2.1. Programa utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine, donijeti posebnu Odluku o odobravanju sredstava Gradu Zenica u iznosu 1.500.000,00 KM za realizaciju Projekta, kojom će biti definisana dinamika transferisanja sredstava Gradu Zenica i način pravdanja namjenskog utroška odobrenih sredstava.

#### **Član 11.**

U skladu sa usvojenim Budžetom Zeničko-dobojskog kantona za 2024. godinu, a na osnovu Programa utroška sredstava planiranih u Budžetu Zeničko-dobojskog kantona za 2024. godinu na poziciji „Kapitalni transferi drugim nivoima vlasti - za zdravstvo“ Ministarstva zdravstva, Vlada Kantona će donijeti posebnu Odluku o odobravanju sredstava Gradu Zenica, kojom će definisati dinamiku transferisanja sredstava i način pravdanja namjenskog utroška odobrenih sredstava u 2024. godini.

### Član 12.

Grad Zenica je obavezan Ministarstvu zdravstva dostaviti poseban Izvještaj o statusu Projekta na dan 31.12.2023. godine i namjenskom utrošku odobrenih sredstava za sredstva odobrena u 2023. godini, a što će biti utvrđeno posebnom odlukom Vlade Kantona iz člana 10. ovog Sporazuma.

Grad Zenica je obavezan Ministarstvu zdravstva dostaviti poseban Izvještaj o statusu Projekta na dan 31.12.2024. godine i namjenskom utrošku odobrenih sredstava za sredstva odobrena u 2024. godini, a što će biti utvrđeno posebnom odlukom Vlade Kantona iz člana 11. ovog Sporazuma.

Grad Zenica je obavezan Ministarstvu zdravstva dostaviti konačan Izvještaj o realizaciji Projekta u roku 15 dana po okončanju Projekta, odnosno po izdavanju dozvole za tehnički prijem objekta.

### Član 13.

Grad Zenica će u odnosima sa javnošću isticati zajednički doprinos u realizaciji Projekta Ministarstva zdravstva i Vlade Zeničko-dobojskog kantona.

### Član 14.

Strane potpisnice su saglasne da sve eventualne sporove rješavaju dogovorno, uz uvažavanje interesa potpisnica Sporazuma.

### Član 15.

Ovaj Sporazum je sačinjen u četiri istovjetna primjerka od kojih svaka strana zadržava po dva primjerka Sporazuma.

### Član 16.

Sporazum stupa na snagu danom obostranog potpisivanja.

ZENIČKO-DOBOJSKI KANTON  
MINISTARSTVO ZDRAVSTVA  
MINISTRICA  
dr Tanja Radoš Kosić

*Tanja Radoš Kosić*

Broj: 11-11-7050-3/23  
Datum, 12.07.2023. godine



GRAD ZENICA

GRADONAČELNIK  
Fuad Kasumović

*F. Kasumović*

Broj: 02-45-8615/23  
Datum, 12.07.2023. godine

